

燕
楚
游
驂
錄

(三)

燕楚游踪錄

甲編

卷十二目錄

易縣

金石

燕楚游驛錄卷十二

甲編

京漢鐵路管理局編輯

易縣

易縣
梁格莊

金石

周

燕下都館石刻

易水又東分爲二漕其一水出金臺陂側陂北十餘步有金臺臺北有蘭馬臺並悉高數丈秀峙相對翼臺左右水流逕通長廡廣宇周旋被浦棟堦咸淪柱礎尙存是其基構可得而尋訪諸耆舊咸言昭王禮賓廣延方士至如郭隗樂毅之徒鄒衍劇辛之儔宦游歷說之民自遠而屆者多矣不欲令諸侯之客伺隙燕邦故修建下都館之南垂言燕昭創之於前子丹踵之於後故雕牆敗館尙傳鐫刻之石雖無經記可憑察其古蹟似符宿傳矣

水經注

趙一清水經注釋引上谷圖經臺在易水東南十八里今都城及定興安肅皆有黃金臺

惟在易州者爲有據餘皆後人所爲也今據此說載入易州雖石刻久亡然數千年古蹟所在亟宜登錄投畫之金後人尙有拾獲矧石刻之鉅者或竟隱而復顯未可知也

後輔志

東魏

固安縣令朱虎口等造石觀音像

朱虎口等造象題名

在城東南廢廟土壁下正書興和二年四月八日立象高二尺有奇雕鏤古質蓮座下承以方趺高四寸二分前後二面廣八寸左右各廣五寸七分惟左面無字三面數之得十七行爲固安縣令朱虎容城縣令任文元等二十六人題名正面首二行題易縣東水治村口善衆寺住持惠慶十三字結體遒勁類隋唐人字筆與後題名字不同而易縣至隋開皇十六年始置東魏尙無此縣名殆非一時之作東水治村去州西南三十里至今尙仍舊名善慶寺已無可考舊於廢廟一見展敬尊容摩挲殘刻流連久之拓一紙以歸後再過其地已無所有尋訪殆徧終不可得然象石頗重非可奉持負戴去者意千年神物顯晦自有時耳

鄧嘉緝上谷訪古記

北齊

石柱刻字

州郡志云易州義石柱北齊神武起兵掃除兇醜拾遺骸骨歸葬於此立石柱以誌之

太平

寰宇記

在易州東南三十里北齊神武拾葬兵後遺骸於此立石柱以識之

明一統志

方志云神武時義士王海立在縣西北三十里

京畿金石考

金石考據定興縣志載入定興茲據明一統志載入易州

畿輔志

隋

臥佛寺碑

易州北門內

畿輔碑目

唐

長興寺尊勝舍利幢

在儒學署大門內左偏正書永昌元年幢高二尺一寸八面面廣六寸二分第一面大書

四行行十一字頽蝕第二至第六面俱六行行三十一字七八面蝕盡才辨數字而已

上谷

訪古記

題名殘石

藏本州陳氏行書石殘闕高廣不可定縱橫僅餘尺許字六行數之得完字三十六半字七第五行有司牧者記其姓字七字以意揣之或是題名記末行口授元年授上一字末筆作人隱然可辨當是天授元年在唐爲武后稱制之七年碑之立其此時歟字畫在虞歐之間尙爲妙札唐人手筆也陳氏舊於候臺畔得之疑爲候臺記殘刻然讀州志藝文著梁德裕候臺記文與此無相合處且筆致亦不類蘇靈芝也

上谷訪古記

龍興觀老子道經碑

右老子道德經兩卷上卷曰道經下卷曰德經分兩面刻之其額云大唐景龍二年正月易州龍興觀爲國敬造道德經五千文碑末題觀主張脊行名案河上公注本道可道以下爲道經卷上上德不德以下爲德經卷下晁說之跋王弼注本謂其不析道德而上下之猶近於古不知陸德明所撰釋文正用輔嗣本題云道經卷上德經卷下與河上本不

異鬼氏所見者特宋時轉寫之本而翻以爲近古亦未之考矣予家藏石刻道德經凡五本惟明皇御注本及此本皆分道經德經爲二蓋漢魏以來篇目如此而此本爲唐所刻字句與它本多異如無作无愈作兪芸作云譽作豫荒作忙佐作作喻作翥之類皆從古字又如故能蔽不新成石本作能弊復成師之所處荊棘生下石本無大軍之後必有凶年二句上將軍居右下石本無言以喪禮處之句夫惟病病是以不病聖人不病以其病病是以不病石本但云是以聖人不病以其病病是以不病此類皆遠勝它本聊舉一二以見古石刻之可貴也

潛研堂金石文跋尾

正書景龍二年正月直隸易州

寰宇訪碑錄

在易州龍興觀陸德明老子音義據王輔嗣注本稱老子道經音義德經音義此本亦分道經德經爲二卷兩面刻之今世所行王輔嗣注本每經俱有分章此本雖不記章數然每章皆空一格以別之其中亦有與今王本不同者如今王本道冲而用之至象帝之先爲三章天地不仁至不如守中爲四章谷神不死至用之不勤爲六章此本皆並爲一故有之以爲利無之以爲用今王本屬十二章此本無故字二句屬下章之首重爲輕根靜

爲躁君今王本爲二十七章此本屬上章之末陸德明老子音義以爲後人改變其分章

惜不得與此本一證之

平津讀碑記

右道德經碑在易州景龍二年正月立前代金石家未著於錄歐趙所收皆明皇御注懷州本今不傳邢州龍興觀石臺本歸震川集有跋今亦未見所傳拓惟易州八面石柱爲蘇靈芝書之御注本刻於開元二十六年而景龍舊碑同在易州世人貴耳賤目無過問者蓋道德經自御注後頒列學宮久相傳習故余所見道藏七十餘本畧同雖以河上王弼二家校者亦頗改就御注而傳奕古本字句較輟亦難盡從則世間眞舊本必以景龍碑爲最其異同數百事文誼簡古遠勝今本者甚多今合蘇靈芝書御注本及河上王弼與釋文所載參互校勘條舉得失足證此刻之善老子道經一卷御注河上作老子道經卷上王弼作上篇无名各本作無下皆放此天地始御注與此同河上王弼作天地之始下句亦有之字常无欲觀其妙御注與此同河上此句上有故字觀上河上王弼有以字下句亦然衆妙之門句下空一字所以分章御注不空河上於道可道前題體道第一王弼題一章此無標目下皆放此相形王弼作相較見釋文成功不居御注王弼作功成不

居河上作功成而弗居不上賢各本上作尙使心不亂王弼使下有民字聖人治各本句上有是以二字王弼人下有之字常使民御注作使人使知者各本使下有夫字不敢爲各本句下有爲無爲三字王弼有也爲無爲四字久不盈各本作或不深乎御注作淵似河上作淵乎似王弼作淵兮似萬物宗河上王弼物下有之字湛常存河上作湛兮似若存王弼作湛兮似或存誰子河上王弼作誰之子芻蕘別體字橐籥御注作橐籥河上王弼句末有乎字不屈王弼顧歡作不掘龠出各本作龠出元牝門天地根河上王弼門上有之字天地上有是謂字長久者河上王弼長下有且字故能長久王氏萃編引邢州本與此同易州石柱及河上王弼作長生非也以其无私釋文引河上與此同御注王弼以字上有非字王弼句末有邪字又不河上王弼作而不善人各本作善仁古字通政善河上作正善不若其以各本作不如其已古字通而銳王弼作而銳長保邢州本作長寶而驕御注作而憍功成名遂身退王弼作功遂身退傳奕作成名功遂身退邢州本作名成功遂身退能无離傳奕及近刻王弼句末有乎字下五句皆然愛人各本作愛民能無爲王弼作無知能爲雌河上作無雌能無知王弼作無爲有之以爲利各本句上有故字何

謂寵辱辱爲下王弼傳奕作何謂寵辱若驚寵爲下有患各本句未有者字爲我有身及我无身兩我字各本作吾故貴身於天下御注作故貴以身爲天下與王弼同河上作故貴以身爲天下者若可託天下御注王弼作若可寄天下河上作則可寄於天下永樂大典作則可以寄天下若可寄天下河上作乃可以託于天下王弼作若可託天下大典作乃可以託之天下者細細大典作細細今以語今之有各本作以御以知古始御注王弼作能知是謂道已御注河上作道紀審觀王弼注當亦是已字豫若冬涉川河上豫作與兮王弼作豫焉猶河上王弼作猶兮儼若客河上王弼儼下有兮其二字渙若冰將釋河上王弼作渙兮若冰之將釋下三句皆有兮字混若濁曠若谷御注作曠若谷混若濁河上作曠兮其若谷渾兮其若濁王弼與河上同渾字作混安以動之御注作安以久河上王弼作孰能安以久大典作孰能安以無久字能弊復成御注作故能弊不新成河上作故能敝不新成大典作故能敝不新成案弼注蔽覆蓋也當與河上同吾以觀其復王弼無其字各歸其根河上王弼各下有復字忘作凶各本作妄作凶河上或作妄誤也容能公御注河上王弼能作乃下四句皆然公能王王能天邢州本作公能生生能天其次

親之豫之御注河上作親之譽之王弼作親之豫之其次畏之侮之河上畏之下有其次
字信不足河上王弼足下有焉字有不信王弼信下有焉字由其貴言御注由作猶兮王
弼作悠兮成功各本作功成有人義各本作仁義智惠出王弼作智慧或作慧智非孝慈
大典作孝子絕民各本作絕仁相去何若王弼或作若何非忙其未央御注作荒其河上
王弼荒下有兮字句末有哉字若享太宰宰別體字御注作如享釋文作若享引河上作
饗若春登臺御注王弼作如春登臺河上作如登春臺我魄未兆御注作我獨怕其未兆
河上作我獨泊兮其未兆釋文作廓引河上作泊傅奕作獨我魄兮其未兆大典作我泊
兮其未兆王氏引邢州本與此同若嬰兒未孩各本作如嬰兒之未孩乘乘無所歸河上
乘乘下有兮若二字王弼作儼儼兮若無所歸我獨河上我有而字之心河上王弼心
下有也哉字純純河上王弼作沌沌兮釋文沌沌本又作怵我獨若昏王弼作我獨昏昏澹
若海御注作忽若晦河上作忽兮若海王弼作澹兮其若海大典作漂乎一本作忽兮漂
无所止御注作寂兮似無所止河上作漂兮若無所止釋文引河上作淵兮王弼作颺兮
若無止梁簡文傅奕作漂兮有已各本作有以我獨頑河上王弼我有而字而貴食母

御注作而貴求食于母是從大典作之從忽恍中有象恍忽中有物顧歡與此同御注作忽兮恍其中有爲恍兮忽其中有物河上作忽兮恍兮其中有象恍兮忽兮其中有物或本二句互倒王弼與河上同之忽作惚窈冥中有精顧歡與此同御注作窈兮冥其中有精河上王弼作窈兮冥兮其中有精之然御注今河上作之然哉王弼作之狀哉釋文河上一本直云吾何狀也枉則正傳奕與此同諸本作則直弊則新釋文作蔽傳奕今王弼作蔽多則或各本作惑莫能與之爭河上無能字豈虛語各本作豈虛語哉故成全各本作誠全無故字飄風王弼句上有故字孰爲此天地河上王弼此字下有者字上不能久各本作尙不於人各本句未有乎字故從事而道者道德之同於德者德德之同於失者道失之信不足有不信古得德字通德之卽得之也河上作故從事于道者道者同於道德者同於德失者同於失同于道者道亦樂得之同于德者德亦樂得之同于失者失亦樂得之御注王弼無三樂字餘與河上同河上王弼作信不足焉之有不信焉企者不久御注河上作跋者不立王弼作企者不立卒者各本作跨者案當是𦐇字自見不明河上王弼自見下有者字下四句皆然其在道王弼作其在道也御注河上作其於道也物或

有惡之各本無有字故有道不處御注王弼道下有者字河上亦有者字句未有也字寂
漠王弼作寂寞河上今王弼作寂兮寥兮鍾會作鸞獨立不改御注河上立下有而字周
行不殆各本行下有而字吾強爲之名各本無吾字遠曰返河上王弼作反道大各本道
上有故字王大各本王下有亦字而王處河上王弼作而王居其一焉是以君子河上王
弼作是以聖人晏處王弼傳奕作燕處如何各本作奈何以身各本以上有而字輕則失
臣王弼作失本大典作失根轍迹河上作徹迹王弼作轍迹梁簡文云應車邈今作彊邈
者古字少也瘕謫御注河上作瑕謫王弼作瑕謫善計王弼作善數籌策御注作籌算不
可開各本不上有而字下句亦然而無棄人各本而作故下句亦然善人御注大典作故
善人河上作故善人者不善人河上人下有者字雖知河上王弼作雖智此謂各本作是
謂爲天下蹊各本作谿釋文谿或作溪常得不忒各本作常德常得乃足各本作常德於
朴御注作撲王弼作樸下句亦然朴散各本散下有則字聖人用爲官長各本用下有之
則字是以大制无割各本作故大制不割神器大典器下有也不可爲各本爲下有也字
夫物各本作故物或噓王弼作或歔御注河上作或响或贏各本作或羸或接或噓御注

河上接作載王弼梁簡文作挫以道作各本作以道佐荊棘生各本生下有焉字此句下各本有大軍之後必有凶年八字蓋注語闢入正文此本無王氏引邢州本亦無故善者果而已河上王弼無故字大典亦無故字而已下有矣字今王弼者作有不以取強各本不下有敢字果而勿驕果而勿矜果而勿伐御注驕作憍各本果而勿驕句在果而勿伐下果而不得以是各本以作已無是字謂之非道非道早已御注河上王弼作是謂不道不道早已傅奕王氏引邢州本皆作非道夫佳兵者河上無者字不祥之器大典無之器二字故有道不處各本道下有者字大典處下有也字恬惔御注作恬澹河上作恬恢一作恬然王弼作恬淡故不美若美之御注河上王弼作勝而不美而美之者大典無而字是樂然人各本作殺人大典人下有也字不可得意于天下御注作得志河上王弼作則不可以得志于天下矣大典無則字故吉事尙左各本無故字居左御注大典作處左下居右亦作處右然人衆多河上王弼作殺人之衆此句上御注河上有言以喪禮處之六字蓋注語闢入正文此與大典皆無悲哀王弼作哀悲哀禮各本作喪禮朴雖小御注作撲王弼作撲天下不敢臣王弼作天下莫能臣也王侯若能守御注河上王弼作侯王梁

武與此同河上王弼守下有之字人莫之令河上作民莫夫將知止御注王弼作夫亦將知止河上作夫亦將知之知止不殆御注作知止所以不殆河上作知之所以不殆王弼作知止可以不殆譬道在天下河上王弼道下有之字與江海御注河上作之與江海王弼作之於江海強行有志各本行下有者字道汜御注作道汎河上作道汎兮以生河上作而生成功各本作功成不名有傳奕大典作而不居愛養王弼作衣養大典作衣被不爲主各本不上有而字下句亦然可名于大河上作爲大大典作于大矣又有是以聖人能成其大也是以聖人終不爲大河上句未有也字王弼作以其終不自爲大大典作以其不自大平太御注大典作平泰道出言御注河上王弼作道之出口傳奕作道之出言下視聽用三句各本皆有之字淡无味各本淡下有乎其二字用不可既御注河上作用之不可既王弼作用之不足既翕之河上作噏之王弼作歛之簡文作歛又作結必故各本作必固下三句皆然柔勝剛弱勝強大典與此同御注河上王弼作柔弱勝剛強傳奕作柔之勝剛弱之勝強國有各本作國之可示各本作可以示能守王弼守下或有之字之朴御注王弼作之樸亦將不欲王弼作夫亦將無欲老子德經御注河上作老子德經